

立杜賣盡根水田菜園字人郭長發、茂發兄弟，今有先年承買蘇德興墾田壹半，坐落土名石角庄內。東至小圳爲界；西至竹頭爲界；南至竹頭墻爲界；北至長發自己屋澹溝爲界，四至界址面踏分明。發全母蘇氏茲因上年向得本庄聖母祀典粟借出母利谷石，無所措還，即將水田菜園退於他人，先問房親叔侄人等，不欲承領外，托中引就與聖母祀內人劉德興、吳辛柱、馬德嫂、何桂秀、劉深池、劉前二、黃阿享、葉老二出首承買，即日當中三面言定時價值銀并谷銀拾貳大員，又谷柒拾陸石正，親收足訖。此田原帶坡圳水通流灌溉，其田交于聖母祀內人前去掌管爲租，永爲己業。一退千休，永斷葛藤。發兄弟日後不敢言找言贖等情，倘有上手來歷不明，係母子一力抵當，不干承買人之事，亦無重張典掛。此系仁義交關，兩無反悔，恐口難憑，今欲有憑，立杜賣盡根字一紙，付執爲炤。

即日批明：發母子兄弟實收到字內銀拾貳大員，又谷柒拾陸石正，親收足訖。批炤。

再批明：上手墾約存在蘇連進兄手內收存。批炤。

又再批明：倘有上手，日後拾出字約，不堪行用。批炤。

順財

在場人蘇番婆 李恭發

阿潤

收銀谷母郭蘇氏 阿珠

石頭

長發

咸豐拾壹年柒月

日立杜賣盡根字人郭 茂發